

# Pyee

a cr̄a

## Enyēnudisa

Wema əla i nyi wema ɻkɔtɔ kē Pyee kē nyi amədɔqidə Yesu Kriso tɔ i gbə nyi ɬhabɔbɔməganxo a i ɻrɔ wema əla. É ɻrɔ ε gàkəmə i lə gàkpamə lə Babilɔnu kidə ɬvi a Makə a. É ɻrɔ wema qidə aməcancan wo kidə ɬhabɔbɔ kē lə Asii kamə awo. É ɻrɔ wema i a sə də ɻusən ranmə nə xɔsətɔ kē lə sə vəvə sə awo, i nu nə wo bə wo xɔsə na rikə lə əku kē Yesu Kriso ku a, kidə nyɔnyɔ kē i nyɔ co əku a ji, i nu nə wo bə wo akran kidə ɬvən wɔwɔ. Enyēta kē ji Pyee xonu do awo qə wo kē: Mi zan àgbè kɔkɔ, ənu kē xɔsətɔ qfɔ a wɔ a, mi gbə ənunçen wɔwɔ qfɔ i wɔ aqye, ənu nyɔ nə xɔsətɔ kē wo a də aya nɔ awo.

Cocomə kē wema a hən awo kē

Pyee ci xɔsətɔ wo qidə (1:1-2)

ɻjkuvidofo, xɔsə kidə rɔnrɔn(1:3-12)

Mi zan àgbè kɔkɔ (1:13—2:10)

Sigbə xɔsətɔ qfɔ a wɔ nə ənu mɔ a (2:1—4:19)

Mi ləbə nə Mawu dukɔn(5:1-11)

Aməciwo(5:12-14)

## Aməcici

**1** Enyē Pyee, Amədɔqidə Yesu Kriso tɔ; i lə ɻrɔ wema a qidə miawo aməcancan Mawutɔ, kē nyi aməjro, i gban də Pɔɔn, Galati,

Kapadosə, Azii kidə Bitinii kan mə awo. <sup>2</sup>Mawu Dàdà a, can mi qədeca, sigbə ì də e qə a. To Gbòngbòn Koko ji a, é cə mi wə dukon koko, nə mia s'ətonu nə Yesu Kriso, i y'əhun la cə mi də koko ji. Mawu na na àfənu kidə fàfa mi l'əgbəsusu mə.

### **Ənu kə mi lə kpə əmə cə tu a**

<sup>3</sup>Mí kafu Mawu, mía Xotə Yesu Kriso yə Dada. Lə ye xomənycu ganjgan mə a; é na i wo trə mí ji, to Yesu Kriso ye nyonyu co əku mə. Ənu hunna i də i mí a ŋukuviqdo nyi ŋukuviqdo àgbè àgbè, <sup>4</sup>i mí nətəkpə cinc kə Mawu cə qə nə amə kə nyi yetə wo a. Cinc hunna ý dan nə hən o, kpə ŋ xo nə èdən o, i na lə kə gəsiagàmə. Mawu cə ε qə nə mi lə səxo; <sup>5</sup>é cə ε qə nə miawo kə Mawu ye ŋusən cə alə cən to xcsə mə awo, cagbətə nə xəgan kə səgbə qə a na nyi qədə disa lə ŋkəkə ŋgbəsitə wo gbə. <sup>6</sup>Ənə a, bari nə ì va byə bə mia nə ŋtikuku mə ifya nə gəmə həqeka to tətəkpə arəkpa arəkpa wo mə a, mi kpə jìjì cagbə ənu nyɔe hunna wo tə, <sup>7</sup>Wo do nə cika kpə l'èzo mə, gaŋkə ə danəhən, nənə kə i wo a do mia xcsə kə xə èho sùgbə wugan cika a ca kpə nə, i a kpə bə a tə ŋ nə anyi kəkə sə yí maa. Ənə a, gákəmə Yesu Kriso la qə զeekya disa a, wo a na mi kàfu kafu, i la na mi yeyi, kidə bùbù. <sup>8</sup>Yesu a, mi ý lə kpə ε o, gànjkə mi rən ε. Mi ý lə kpə ε ifya o, gànjkə mi xə ε sə, yeidə, i mia jìjì kpəkpə sùgbə, jìjì kpəkpə a sùgbə kəkə wo ý ka tə nu i o. <sup>9</sup>Mi lə kpə jìjì hunna, qə wo xə mi gan. Xègan i nyi àjì kə mi xə nə xcsə kə mi wəqə nə Kriso a. <sup>10</sup>Mawugbədətə wo kù ənu wo gòmə i gbə ka ənyu sə də xègan a ji nyəŋgbin, wo gbə xonu də ənu nana kə Mawu cə qə nə mi a ŋ. <sup>11</sup>Wó jə agbagba i a dəsi gákəmə nəmi arəkpa kee i ənu kə Gbòngbòn Kriso tə nu awo la jə do, qə Gbòngbòn hunna kə lə wo mə

a nu vèvè kè Kriso ño la sè a nè wo ñeñdeca, i gbè nu kafukafu kè la nyi yetò lè vèvè mè a nè wo. <sup>12</sup> Mawu ñè disa nè Mawugbèdoto awo bè ènyè kè wo cò dè asi nè wo a, í nyi woñtawo tò o, vù a, mia wo kè lè wò èdè hunna wo tò i ì nyi. Ðò, Èñènyèdoto wo nu ènyè a nè mi ifya; wó nu i nè mi to Gbòngbòn Kòkò kè wo dò ñida co sèxo a ye ñusèn mè, i Mawuhèdotò wo cawo ji i a dèsi ènyè hunna.

### Mi zan àgbè kòkò

<sup>13</sup> Yeido, mi nò ayejejèji i sè wò ènu, i miaye na l'ètè, mi cò mia ñkuviðodo see dè ènu nana kè Mawu la na mi gákèmè Kriso la ñè ñekia disa a ji. <sup>14</sup> Sigbè èvi ètonu sè tò wo ènè a, mi í ka gbè zan nò ñeñdeca kè mi lè manya mè a o. <sup>15</sup> Vù a, mi nyi amè Kòkò lè mianu wòwo see mè, sigbè Mawu kè yò mi a nyi amè kòkò ènè. <sup>16</sup> Ðò wo ñrò dè Mawunyè wema a mè bè: «Mi nyi amè kòkò, ño amè kòkò i ñ nyi .» <sup>17</sup> Nè mi lè xoñè a, mi yò nè Mawu kè í xo nè ñkuvita kpò, gbòxo i ño nè kojo nè amè dèsyadè, sigbè amè ñeka ñeka wò èdè mò a bè Dàdà. Yeido, lè gàmè kè kpòtò i mi a wò lè anyigban ji a mè a, mi a zanzan wo na ñè disa bè mi ño bùbù nè ε. <sup>18</sup> Mi nya bè í nyi ènu kè danèhèn awo, sigbè èho nòmi cika i wo sè xò mi lè àgbè gbalè kè mi a tògbìn wo zan, i mi ñù ye gu a si o. <sup>19</sup> Vù a, Kriso èhùn kè xò àfi a i wo sè xrè mi. Kriso a wò ñe sigbè aringbòvi kè ñ afèn nu ñè ñ lè o, i ènu xoñuxodù ñè í lè a ènè. <sup>20</sup> Mawu cò ε gbòxo i ño xixè a, i ñè é disa lè ñkèkè ciñgbètò èla wo mè cagbè miatò. <sup>21</sup> To ya ji, i mi xò Mawu kè nyò ε lè amèkuku wo mè i cò kafukafu nè ε a sè lè. Ènè a, mi co mia cò mia xòsè kidè mia ñkuviðodo dè Mawu ji. <sup>22</sup> Mi s'ètonu nè àdòdo a i dò, i mi cò mia ñekia iwo dè kòkò ji, cagbètò nè mia ròni mia nòvi wo lè àdòdo mè.

Mi rɔn mia domɛ tɔ wo vəvə də kidə èji kɔkɔ. <sup>23</sup> Do wo trɔ mi ji, ñ nyi ənuku kə danəhən a ji i wo trɔ mi ji to o, vɔ a, ənuku kə ñ danəhən a ji i wo trɔ mi ji to. Mawu nyɔ àgbə àgbə kə le də tegbəe a ji i wo trɔ mi ji to. <sup>24</sup> Do wo ñrɔ də Mawu nyɔ wema mə bə:

*«Àgbàtɔ wo see i wɔdə sigbə àgbə ənə, i yecɔdɔdɔ see wɔdə  
sigbə àgbəsə ənə; àgbə a na xu i èsə a na gejen.*

Vɔ a, Ètɔhonɔ ye nyɔ le də tegbəe.»

Ènyɔ a, i nyi ənjə nyɔe kə wo nu nə mi a.

### Kriso i nyi zogojikpə

**2** Mi gbə dàkaxoxo dəsiadə də, mi gbə vìxo xoxo dəsiadə də, i gbə ayemənu wɔwɔ, èñuhwan kidə amənyɔnunu dəsiadə də. <sup>2</sup> Sigbə dəvi cukuvi wo ji nə anɔci a, mi ji anɔci gbɔngbòn mə tɔ kɔkɔ Mawunyɔ tɔ a, kə a dɔ i mi a cin lə xɔsə mə i la kpɔ xɔgan a. <sup>3</sup> Ènə a, wo ñrɔ de Mawu nyɔ wema mə bə:

*«Miajta wo mi dɔ sigbə Ètɔhonɔ nyɔ xomə mɔ a kpɔ.»*

<sup>4</sup> Yeido, mi gbo təbɔ Àxotɔ, èkpə àgbə àgbə kə àgbətɔ wo gbə, i Mawu sə kpɔ èkpə xɔxo, i cɔ e a; <sup>5</sup> nə mia cawo, sigbə èkpə àgbə àgbə wo ənə a, wo a cɔ mi sə tu Mawusənxo gbɔngbòn kɔkɔ tɔ. Mi a nyi Mawunçsatɔ kɔkɔ wo ha, i la sa nə èvɔ gbɔngbòn mə tɔ nə Mawu, i à xɔ nə e kidə xomənyɔe to Yesu Kriso ji. <sup>6</sup> Do wo ñrɔ də Mawu nyɔ wema mə bə:

«Mi kpɔ, ɳ cɔ zogojikpə xɔ àfi ɖeka  
 do anyi də Sinyɔɔ,  
 ɳ can ε i, amə kə la xɔ ε sə a,  
 ȡ na dù ɳkpən kpɔ gbədə o.»

<sup>7</sup> Èkpə hunna i nyi èkpə xɔ afi nə miawo xɔsəcx wo. Vò a, nə maxcsətɔ wo a, wo ɳrɔ de Mawu nyɔ wema mə bə:

«Èkpə kə èxɔ matɔ wo gbə a,

i va trɔ zun zogojikpə.»

<sup>8</sup> Wo gbə ɳrɔ de Mawu nyɔ wema mə bə:

«Èkpə kə ɳ àgbətɔ wo krə nə afɔ do, i na gejen a i nyi,  
 èkpə ganŋgan kə cɔ nə amə gaŋen a i ȡ nyi»

Amə hunna wo krə nə afɔ də ɳ, do wo gbə bə yewo ȡ ka zɔn də Mawu nyɔ a ji o, yeidɔ ənu hunna dɔ a jɔ də wo ji. <sup>9</sup> Vò a, miawo mi nyi àkɔta kə Mawu can a, i nyi əvɔsato wo ha, kə wɔ nə ədɔ nə Èfyɔ Mawu a, i gbə nyi dukɔn kɔkɔ. Mawu ye dukɔn i mi nyi; i Mawu can mi nə mia co lə zubru mə, va ye kəkrə nyɔŋgbın a nu, cagbətɔ nə mia nu ye dɔ nyɔŋgbın wo. <sup>10</sup> Mi ȡ nyi Mawu dùkɔn ɖeɖeca o, vò a, ifya mi nyi ye dukɔn. Mawu ȡ kpɔ àdònnù mə nə mi ɖeɖeca o, vò a, ifya ȇ kpɔ àdònnù mə nə mi.

### Mi zan àgbè sigbè Mawu məsəntɔ ənə

<sup>11</sup> Nɔvinyɛ vəvə wo, miawo kə nyi aməjro, i nyi əmɔzɔntɔ lə anyigban əla ji awo a, ɳ lə byɔ mi bə: Mi ȡ ka gbə miaɖəkiwo ɖe nə ejro vɔen kə wɔ nə àhwà kidə mi a. <sup>12</sup> Mi zan àgbè nyɔe lə maxcsətɔ wo domə, ənə a, nə wo va lə xonu də mia ɳ bə mi nyi ənuvawɔ

ca a, wó a va kpɔ̄ miadɔ̄ nyɔ̄e wo, i la kafu Mawu gbə kikə a va ji wo kpɔ̄ a.

### **Ènu kə xcsətɔ̄ wo dō a wɔ̄ a**

<sup>13</sup> Mi cɔ̄ miadəkiwo hwe də agbətɔ̄ cɛkpakpa wo see gɔ̄mə, cagbə Àxotɔ̄ tɔ̄: Mi cɔ̄ miadəkiwo hwe nə əfyɔ̄gan kə kpa àcə nə amə wo see a. <sup>14</sup> Mi cɔ̄ miadəkiwo hwe nə ədùigan wo; woo kə əfyɔ̄gan a dɔ̄ qidà, nə wo a dɔ̄n èto nə ənunçen wɔ̄tɔ̄ wo, i la kafu amə kə wɔ̄ nə ənyɔ̄e awo. <sup>15</sup> Ðo ənu kə Mawu ji nɔ̄ a, i nyi mia wɔ̄ nə ənyɔ̄e, cagbətɔ̄ nə xronɔ̄ wo kidə ənumanyatɔ̄ wo ï̄ ka kpɔ̄ ənyɔ̄ də i a nu o. <sup>16</sup> Mi nɔ̄ àgbè sigbə amə kə lə dəkiasi mə ənə, kpɔ̄ mi ï̄ ka cɔ̄ amədəkisi jéjé ye gbə hunna a, sə cɔ̄n ənunçen o, vɔ̄ a, mi nɔ̄ àgbè sigbə Mawuməsəntɔ̄ ənə. <sup>17</sup> Mi dō bùbù nə àmə wo see, i rɔ̄n mia nɔ̄vi xcsətɔ̄ wo, i vɔ̄nunçen nə Mawu, i dō bùbù nə əfyɔ̄.

### **Ènu kə aməsəntɔ̄ dō a wɔ̄ nə əgan a**

<sup>18</sup> Aməsəntɔ̄ wo mi cɔ̄ miadəkiwo hwe nə mia gan wo kidə bùbù ganjgan, kpɔ̄ ï̄ nyi ègan nyèñgbin kə nyɔ̄xomə a dədə ï̄ i o, vɔ̄ a, mia dō e nə ègan kə nyra àdà awo ca. <sup>19</sup> Nə mi doji i lə sə vəvə kə mi ï̄ dō la sə a o, cagbə kə mi ka nɔ̄ əgbəji nə Mawu tɔ̄ a, ənu nyèñgbin i. <sup>20</sup> Nə i nyi àgò kə mi jə a i dɔ̄ i wo lə xo mi, i mi doji də a, ənyɔ̄e kee i lə mə nə mi? Vɔ̄ a, nə i nyi ənyɔ̄e kə mi wɔ̄ a i dɔ̄, i mi lə sə vəvə, i doji də a; ənu nyèñgbin i ì nyi lə Mawu ñkɔ̄. <sup>21</sup> Ènu hunna i Mawu yɔ̄ mi nɔ̄, dō Kriso sə vəvə də mia ta, i gbə ye kpɔ̄dəj də nə mi, cagbə nə mia cɔ̄ àfɔ̄ də ye fɔ̄ domə.

*22 Kriso ñ jə àgɔ̄ də o, kpɔ̄ vìxø nyɔ̄ də ñ do lə ənù mə nə ε kpɔ̄ gbədə o.*

*23 Kə wo zù i a, ñ zù amə də o, kə wo də aya nə ε a, ñ ka atabu nə amə də o; é cɔ̄ ɖekia də àsi nə Mawu kə də nə kojo jɔ̄jɔ̄ a. 24 É lɔ̄ mía gɔ̄jèjè wo də ye ɳtiran mə yi aticoga ji, nə mí ñ ka gbə nɔ̄ àgbè nə àgɔ̄ jèjè o, vò a, mía nɔ̄ àgbè nə ənujɔ̄jɔ̄ wɔ̄wɔ̄. To ye bikpa wo mə i èdò vɔ̄ nə mi. 25 Ðo ɖeɖeca a, mi wɔ̄dε sigbə arengbɔ̄ kə lə bu awo ənə, vò a, ifya mi trɔ̄va arengbɔ̄nyitɔ̄ kə cɔ̄ nə mi a gbɔ̄.*

### Acu kidə asi

**3** Miacawo nyɔrun wo, mi cɔ̄ miaɖekiwo hwe nə mia cu wo, cagbətɔ̄ nə amədə lə wo mə i ñ xɔ̄ Mawunyɔ̄ sə o a, mia dɔ̄n ε to mia zanzan mə nə a xɔ̄sə; ñ gbə byɔ̄ bə mía nu ənyɔ̄ də o, <sup>2</sup>də wo a kpɔ̄ də mia zanzan nyɔ̄ñgbin kidə bùbù kə mi də a ñ. <sup>3</sup>Mia nu cɔ̄cɔ̄ ñ ka nyi ənu kə wo a kpɔ̄ lə ɳtiran ñ, sigbə èdà brabra, cikanuwo, kidə awu xɔ̄ àfi wo dodo o. <sup>4</sup>Vò a, mi ji àcɔ̄ xomətɔ̄ kə ñ danəhən a o, ye i nyi fàfa kidə vòvò kpɔ̄kpɔ̄ lə aye mə, àcɔ̄ hunna i nyi ənu xɔ̄ àfi taŋ lə Mawu ñkɔ̄. <sup>5</sup>Nənə i nyɔru ɖeɖeca tɔ̄ kə bu nə Mawu, i cɔ̄ nə wo ɳkuviɖodo də ji ɖε awo ba nə àcɔ̄ nə wɔ̄dekiwo mɔ̄ a nə. Wó cɔ̄ nə wɔ̄dekiwo hwe nə wo cu wo. <sup>6</sup>Nɔ̄nɔ̄mə hunna i Sarà wɔ̄dε, i sə nə ətonu nə acu a Abraxamù, i na yɔ̄ ε bə: «Tiin Xotɔ̄.» Nə mi wɔ̄ nə ənyɔ̄ε, i mi ñ gbə miaɖekiwo ɖε i ənuɖə do vònvnòn nə mi o, ənə a, mi trɔ̄zun əvia nyɔru wo. <sup>7</sup>Nənə kə a, miawo àcu wo, mia nya bə mia si wo ñ wɔ̄ ɳusən ɖε də mi o, mi kpɔ̄ nə də hunna ñ, i zan nə agbə nyɔ̄ñgbin kidə wo, mi də nə bùbù nə wo; də mi kidə wo i Mawu na ənu nana àgbè jɔ̄ a àgbè tɔ̄. Mi wɔ̄ nə ənu ənə, nə ənu ɖekən ñ ka də èdà kə mi xo nɔ̄ awo tə o.

**Mi gba ènunçenawà àwùnye àwùnye.**

<sup>8</sup> I la sè vò è a, miawo see mi wò susu ñekanya qè, i a sè nè ènugòmè nè miañekiwo. Mi ñò rònròn nè miañekiwo sigbè ñòvi wo ènè, mi kpò nè àdònnù mè nè amè, i cò nè miañekiwo hwe. <sup>9</sup> Mi í ka cò ènçen tu ènçen fèn o, nòmi mi í ka cò èzu tu èzu fèn o, vò a, mi yra nè amè wo, ñò hunna i wo yò mi nò, cagbè nè mia qù yayra ye gù. <sup>10</sup> Yeido i, wo ñò dè Mawunyò wema mè bë:

*Amə kə ji a sə àgbà ye vivi,*

*i ji bə àgbà na nyɔ nə ye a,*

*í ñò a ni nə ènuyéen də amə ñ o,*

*ñ ñò a xo nə èvi o.*

<sup>11</sup> *Na gba ènunçenawà àwùnye àwùnye;*

*a ji nə fàfa, i a ji nə è yikò gàsiagàmè.*

<sup>12</sup> ñò Ètchonò ye ñkuvi lè amə kə wò nə èjènue àwò ji

*à l'ègbèsèssè i sə nə wo qèxo;*

*Vò a, Ètchonò co nə də ènunçenawà àwò ji.»*

<sup>13</sup> Nè mi dè nè vèvè ènu l'ènye àwùnye àwùnye, mè è la tè wò ènçen dè mia ñ? <sup>14</sup> Vò a, nè i nyi bë mia sè vèvè cagbè ènu jòjò àwùnye tò a, ènu nyɔ nè mi! Vònvòn í ka ji mi dè amèdè ñ o, kpò àdìkà í ka co mi o. <sup>15</sup> Vò a, mi cò bùbù nè Kriso lè miaji mè sigbè mia Xoto ènè. Mi nò n'ègbèsèssè mè qè gàdèsyadèmè, i a na nè ènye ci amè qèsyadè kë la ka ènye mi sè dè ñkuvi ñò kë mi wòqè a ñ a. <sup>16</sup> Vò a, mi wò è kidè

bùbù kidə fàfa, kidə susu nyòñgbin, cagbətɔ nə amə kə lə zù mi də zanzan nyɔe kə mi lə zan lə Kriso mə a tɔ a, amə awo na qù ɳkpən. <sup>17</sup> ðo, nə i nyi Mawu əjro i a, ənyɔ nə wo a sə vèvə lə ənyɔe wɔwɔ mə, wugan wo a sə vèvə lə əvɔen wɔwɔ mə. <sup>18</sup> ðo, Kriso ɳta sə vèvə zeðeka tɔtɔ də àgbətɔ wo see gɔjɛjɛ wo ta, ya kə nyi amə jɔjɔ a ku də amə kə ñ wɔnə ənu jɔjɔ awo ta, cagbətɔ nə à kprɔ mi yi Mawu gbɔ, wo wù i lə ɳtiran mə, vò a, Gbòngbòn Kɔkɔ trɔ ε va àgbà. <sup>19</sup> Gbòngbòn hunna ji i ì to, i ve do əñenyɔ nə Gbòngbòn kə lə gakpamə qe awo, <sup>20</sup> amə hunna wo i nyi amə kə tri əto nə Mawu ɖedeca awo gakəmə Mawu xɔ jigbɔdī qe, i Nɔwe lə kpa ətɔjihun a. Amə hwəðeka i ðo ətɔjihun a mə: Wo amənyi i ðo mə i gan lə èci a si. <sup>21</sup> Ènu kə ə ɖədə èci a nyi a i nyi Mawucilələ kə lə xɔ miacawo gan ifya a, Mawucilələ a, ñ nyi ɖuxo ɳtiran tɔ wo i ì krɔ nɔ o, vò a, è nyi sùsù nyòñgbin byɔ byɔ Mawu. Èku kə Yesu Kriso nyɔ co a i ðɔ i mi kpɔ xògan. <sup>22</sup> Yesu Kriso yi səxo, i kanren də ɖusimə qe nə Mawu ləfi Mawujədotɔ wo, àcekpakpa wo kidə ɳusən səxo tɔ wo sə nə ətonu nə ε lə a.

### **Ènyɔ bə wo a kran kidə əvɔen wɔwɔ**

**4** Kə Kriso sə vèvə lə ɳtiran mə a, miacawo mi ðo a bù susu hunna mɔki, ðo amə ɖəsyadə kə sə vèvə lə ɳtiran mə a, kran kidə àgɔjɛjɛ. <sup>2</sup> Ènə a, co ifya kəkə sə yi gàkəmə mia nɔ agbə nɔ a, mi nɔ àgbə lə Mawu ye jro mə, ñ ka nyi də àgbətɔ ye nu jojro mə o. <sup>3</sup> ðo, ɖedeca a, àgbà kə maxɔsətɔ wo zan nɔ a, i mi zan taŋ. Mi zan àgbà lə ənuxoduxodu wɔwɔ mə, lə əjro vɔen wo mə, lə àhanumu mə, l'ènuqudiga mə, l'ahànudiga mə kidə l'ènuaməsən nyɔñyuyɔñu wo sənsən mə. <sup>4</sup> Ifya, ə kpaca wo bə mi ñ gbə lə sudu kidə wo l'ènu xoduxodu wɔwɔ digbə əyomə o, yeidɔ i wó lə zu mi. <sup>5</sup> Vò a, wó a va

do àgbè kē wó zan ye gbē nē Mawu kē l'ègbèssomē dē i a dō kojo nē wo amē kē l'agbē kidē amèkuku wo a.<sup>6</sup> Yeidɔ, wo do ènjé nyé nē amèkuku wo ca; kē i nyi bē wó to kojododo kē l'ètè kpō àgbètō wo see a mē di lē ñtiran mē vò a, wó a nō àgbè to Gbòngbòn Kokɔ ji sigbē Mawu jro a.

### **Mawu ənujikrētō nyé a.**

<sup>7</sup> Ènu wo see vɔvɔnu tēbō, yeidɔ mi zan ənunyanyatō wo gbē, mia ye na l'ètè nē mia tēn xodē. <sup>8</sup> Ènu kē lē vəvədē wugan ənuwo see a, i nyi, mi dō rònror ganjgan lē mia domē; dō rònror cō nē àgòjéjé sùgbō kē amē. <sup>9</sup> Mi xō nē mia domē tō wo mèjro, kpō mi ñ ka to nē ənyé dē ñ nē mi lē wō ε o. <sup>10</sup> Ènu nana kē Mawu na miawo dēka dēka a, mi zan wo i sē dē alō amèbuwo ; ənə a, mia nyi ənujikrētō nyèjbin nē Mawu ənu nana arɔkpà arɔkpà wo. <sup>11</sup> Nē amē dē lē xonu a, na nu ənu kē Mawu nu nē ε bē na nu a. Nē amē dē lē wō amèsəntō dō a, na wō nē ε kidē ñusən kē Mawu na ε a, nē a na kafukafu Mawu lē ənu wo see mē to Yesu Kriso kē tō nyi kafukafu kidē ñusən kékə sē yi mavɔ a ji! Ami

### **Ènu nyé nē xcsətō kē wo a d'aya nō awo**

<sup>12</sup> Nɔvinyé vəvə wo, tətəkpō kē mē mi lē to, i ñ nyi vèvə səsə ganjgan i mi lē sē a, ñ ka kpaca mi, nē mia bu bē ənu kē ñ jō kpō gbədē o i lē jō dē mia ji o. <sup>13</sup> Vò a, mi kpō jìjì bē yewo ca yewo dō màma lē vèvə kē Kriso sē a mē, ənə a, gákəmē à dē ye ñtikɔkɔ disa a, na nyi jìjì kpɔkpō ganjgan nē mi. <sup>14</sup> Nē wo lē zu mi cagbē Yesu Kriso tō kē mi nyi a, əji na jō mi, dō Mawu Gbòngbòn kē dē nō ye gangan disa a lē miaji. <sup>15</sup> Ñ ka nyi amèwuwu, frafi, ənuvɔe wɔwɔ,

nɔ̄mi ənùdaməbunyɔ mə, i dɔ i wo lə də aya nə amə də lə mia do mə o. <sup>16</sup>Và a, nə i nyi xɔsətɔ kə i nyi a i dɔ i ì lə sə vəvə əhun, ɳkpən ã ka lə e o, v̀ a, na də akpə nə Mawu cagbə Kriso ɳkɔ kə lə ñ a tɔ. <sup>17</sup>Kojododo gà a i xo vɔ, i tɔji co Mawu ye xomətɔ wo ji jəŋkɔ. I nə i nyi míawo ji i kojododo a tɔji co ɖee, nə vɔvɔmə amə kə gbə əŋənyɔe Mawu tɔ awo tɔ la nyi mɔ? <sup>18</sup>Mawunyɔ wema nu bə:

*«Nə xɔgan amə kə lə wɔ ənu cɔjɔ awo tɔ vadì də ənə ɖee,*

*na ənubadawɔtɔ kidə àgɔjɛtɔ wo tɔ la nyi mɔ?»*

<sup>19</sup>Nə i nyi ənə a, amə kə lə sə vəvə sigbə Mawu jro mɔ awo, na cɔ woɖəkiwo d'alɔ mə nə Xixəaqdotɔ, kə nɔnɔ ɬgbəjì a; i a kpɔtɔ i lə wɔ ənunyɔe.

### **Mawu ye habɔbɔ**

**5** Ifya, ñ lə də ɳusən ranmə nə əhabɔbɔməganxo, kə lə miamə awo. Əhabɔbɔməganxo i ñ ca ñ nyi sigbə wo mɔki, ñ kpɔ vəvə kə Kriso sə awo, i a ɖo màma lə ɳtikɔkɔe kə Mawu la va ɖə disa a mə. Ənu kə ñ lə dɔ wo a kə: <sup>2</sup>Mi ləbə nə Mawu ye rənha kə i cɔ də asi nə mi a, ñ ka nyi bə wo kri i d'ekɔjì nə mi o, v̀ a, mi wɔ ε kidə aye nyɔŋgbın sigbə Mawu jro a. Mi ñ ka wɔ ε cagbə ɬhotɔ o, v̀ a, mi wɔ ε kidə bìbi. <sup>3</sup>Mi ñ ka ji a kpa nə àcε gannaganna nə amə kə wo cɔ də asi nə mi bə mia lə kpɔ woji a wo o, v̀ a, mi nyi kpɔdɛj nə arenha a. <sup>4</sup>Ənə a, gàkəmə arenkprɔtɔ wo gan a la va a, mia xɔ ɬjìduḍukuku bùbùtɔ kə ñ danəhən gbədə a o. <sup>5</sup>Nənə kə a, ɖekεjε wo mi s'etonu nə əhabɔbɔməganxo wo. Miawo see mi cɔ nə miaɖəkiwo hwe lə miaɖəkiwo domə. Ɗo wo ñrɔ də Mawunyɔ wema a mə bə: «Mawu ñ rɔn nə akɔwɔtɔ wo nyɔ gbɔ o, v̀ a, é nyɔ nə xomə də amə

kè cɔ nə wodekiwo hwe awo ɲ.»<sup>6</sup> Yeidɔ, mi cɔ miaðekiwo hwe də Mawu ye lɔ ɲusəntɔ a gòmə, nə a va cɔ mi də èji lə gákəmə i do qe a.<sup>7</sup> Mi dro ənu kə lə do bùkpɔ nə mi awo see gban də Mawu ji, do yejta i lənəbə nə mi.<sup>8</sup> Aye na l'etə nə mi! nə mi a nɔj qo mia kətɔ Regba lə xixra də mi, sigbə jaŋta kə lə àdan ji, i lə ji amə kə a vu qù a ənə.<sup>9</sup> Mi sənju lə Regba ɲkɔ i rikə lə xcsə mə, mia nya bə vəvə ñdekənya i mi kidə mia nɔvi xcsətɔ kə lə xixə a mə awo see lə sə.<sup>10</sup> Vò a, gàmə hɔqeka i mia sə vəvə nɔ. Do Mawu kə na nə afənu wo see amə a, i yɔ mi nə mia qo màma lə ye bubu mavɔ mavɔ a mə, lə ñeka wɔwɔ mə kidə Kriso. Yejta, la wɔ i mia sògbə, i rikə, i a do ɲusən mi, i la cɔ mi rikə də gòməðokpə nyèŋgbin ji.<sup>11</sup> Ɲusən na nyi yetɔ kékə sə yi mavɔ. Ami!

### Piyee ci wo i tu əta nə wema a.

<sup>12</sup> Silasə, kə ɲ sə kpɔnɔ nɔvi əgbəji nɔtɔ lə xcsə mə a, i də alɔ ɲ i ɲrɔ wema cukuvi əla ñidə mi. Iŋ ɲrɔ e i sə də ɲusən ranmə nə mi, i sə na mi kàkadəji bə, Mawu ye fənu àdòdo tɔ a mə i mi lə.<sup>13</sup> Èhabɔbɔ Mawutɔ kə lə Babilɔnu, i Mawu can sigbə miawo mɔki a lə ci mi, əvinyə Makə ca lə ci mi.<sup>14</sup> Mi ci miadomə tɔ wo, i kpra asikɔ nə miadomə tɔ wo lə rɔnrɔn mə. Fàfa na nyi miawo kə lə Kriso mə awo see tɔ!